

ԲԱՆԿԱՅԻՆ ԱՎԱՆԴԻ ՊԱՅՄԱՆԱԳԻՐ

« _____ » _____ թ.

վայրը _____

կազմակերպության անվանումը կամ ֆիզիկական անձի ազգանունը, անունը, հասցեն, անձնագրի տվյալները
այսուհետ՝ «Բանկ», ի դեմս՝ _____, որը գործում է _____
ազգանունը, անունը, պաշտոնը

հիման վրա, մի կողմից, և _____,
կազմակերպության անվանումը կամ ֆիզիկական անձի ազգանունը, անունը, հասցեն, անձնագրի տվյալները
այսուհետ՝ «Ավանդատու», ի դեմս՝ _____, որը գործում է _____
ազգանունը, անունը, պաշտոնը

հիման վրա, մյուս կողմից, կնքեցին սույն պայմանագիրը հետևյալի մասին:

1. Պայմանագրի առարկան

1.1. Բանկը, ընդունելով գումարը Ավանդատուից կամ նրա համար ստացված գումարը (այսուհետ՝ «Ավանդ»), պարտավորվում է Ավանդատուին վերադարձնել այդ գումարը, ինչպես նաև վճարել տարեկան _____ տոկոսի չափով:

1.2. Սույն պայմանագիրը համարվում է կնքված, եթե Ավանդը մուծվել է օրենքով և բանկային կանոններով սահմանված կարգով և հաստատվել է բանկային գրքույկով:

1.3. Սույն պայմանագիրը կնքված է Ավանդն Ավանդատուի առաջին իսկ պահանջով վերադարձնելու (այսուհետ՝ «Ցպահանջ ավանդ») պայմանով:

2. Կողմերի իրավունքները և պարտականությունները

2.1. Բանկն իրավունք ունի՝

2.1.1. փոփոխել Ավանդի համար վճարվող տոկոսների չափը: Տոկոսների չափը նվազեցնելու դեպքում դրանց նոր չափը կիրառվում է՝ տոկոսները նվազեցնելու մասին Ավանդատուին ծանուցելուց մեկ ամիս անց:

2.2. Բանկը պարտավոր է՝

2.2.1. Ավանդի գումարը կամ դրա մասը վերադարձնել Ավանդատուին՝ նրա առաջին իսկ պահանջով.

2.2.2. Ավանդատուին Ավանդի գումարից վճարել տոկոսներ՝ սույն պայմանագրի 1.1 կետով որոշված չափով.

2.2.3. Ավանդի գումարի վրա տոկոսներ հավելագրել՝ Ավանդը Բանկ մուտք լինելու հաջորդ օրվանից մինչև գումարն Ավանդատուին վերադարձնելու կամ Ավանդատուի հաշվից այլ հիմքերով դուրս գրելու օրվա նախորդող օրը.

2.2.4. Ավանդատուի պահանջով նրա Ավանդին տոկոսներ վճարել եռամսյակ առ եռամսյակ.

2.2.5. Ավանդը վերադարձնելիս վճարել այդ պահին հավելագրված բոլոր տոկոսները.

2.2.6. պարտադիր ապահովագրության միջոցով ապահովագրել Ավանդի վերադարձը.

2.2.7. Ավանդատուին տեղեկատվություն տրամադրել Ավանդի վերադարձի ապահովման մասին.

2.2.8. սույն պայմանագրով նախատեսված Ավանդը վերադարձնելու պատասխանատվությունը չկատարելու կամ թերանալու դեպքում, Ավանդատուի պահանջով նրան անհապաղ վերադարձնել Ավանդը, ներառյալ՝ տոկոսները, և հատուցել պատճառված վնասները:

2.3. Ավանդատուն իրավունք ունի՝

2.3.1. Բանկից պահանջել վերադարձնելու Ավանդի գումարը.

2.3.2. Բանկից պահանջել Ավանդի գումարից վճարելու տոկոսներ՝ սույն պայմանագրի 1.1 կետով սահմանված չափով.

2.3.3. Բանկից պահանջել իր Ավանդից եռամսյակ առ եռամսյակ վճարել տոկոսներ.

2.3.4. Բանկից պահանջել պարտադիր ապահովագրության միջոցով Ավանդի գումարի վերադարձը.

2.3.5. Բանկից ստանալ անհրաժեշտ տեղեկատվություն՝ Ավանդի վերադարձի ապահովման մասին.

2.3.6. սույն պայմանագրով նախատեսված Ավանդը վերադարձնելու պատասխանատվությունը Բանկի կողմից չկատարելու, ինչպես նաև ապահովման կորստի կամ դրա պայմանների վատթարացման դեպքում, Բանկից պահանջել անհապաղ վերադարձնել Ավանդը, ներառյալ՝ տոկոսները, և հատուցել պատճառված վնասները.

2.3.7. Բանկի կողմից տոկոսների չափը նվազեցնելու մասին ծանուցումը ստանալու օրվանից բանկային 15 օրվա ընթացքում հրաժարվել Ավանդի պայմանագրից և պահանջել Բանկից՝ անհապաղ վերադարձնել Ավանդի գումարը, ներառյալ՝ տոկոսները:

2.4. Ավանդատուն պարտավոր է՝

2.4.1. չմիջամտել բանկի ֆինանսատնտեսական գործունեությանը.

2.4.2. սահմանված ժամկետում տեղեկացնել, սույն պայմանագրի 2.3.7 կետում նշված հիմքով, պայմանագրից հրաժարվելու մասին.

2.4.3. պահպանել օրենքի, դրան համապատասխան սահմանված բանկային կանոնների և սույն պայմանագրի բոլոր պահանջները:

3. Բանկային գրքույկ

3.1. Ավանդատուի հետ բանկային Ավանդի պայմանագիրը կնքելը և նրա Ավանդի հաշվին դրամական միջոցներ մուծելը հավաստվում են բանկային գրքույկով: Այն կարող է լինել անվանական կամ ըստ ներկայացնողի:

3.2. Բանկային գրքույկում պետք է նշվեն և Բանկի կողմից հավաստվեն Բանկի, իսկ եթե Ավանդը ներդրված է Բանկի մասնաճյուղում՝ նաև համապատասխան մասնաճյուղի՝

3.2.1. անվանումը.

3.2.2. գտնվելու վայրը.

3.2.3. Ավանդի հաշվեհամարը.

3.2.4. հաշվում մուտքագրված և հաշվից դուրս գրված դրամական միջոցների բոլոր գումարները.

3.2.5. բանկային գրքույկը՝ բանկ ներկայացնելու պահին հաշվում եղած դրամական միջոցների մնացորդը:

3.3. Բանկային գրքույկում նշված Ավանդի վերաբերյալ տվյալները հիմք են Բանկի և Ավանդատուի միջև Ավանդով հաշվարկներ կատարելու համար:

3.4. Ավանդը վերադարձնելը, դրանից տոկոսներ վճարելը և Ավանդի հաշվից դրամական միջոցներն այլ անձանց փոխանցելը Բանկն իրականացնում է բանկային գրքույկը ներկայացնելիս:

3.5. Եթե անվանական բանկային գրքույկը կորել է կամ պիտանի չէ ներկայացնելու համար, Բանկն Ավանդատուի դիմումի հիման վրա նրան տալիս է նոր բանկային գրքույկ:

3.6. Ըստ ներկայացնողի բանկային գրքույկի կորստի դեպքում իրավունքները վերականգնում է դատարանը՝ ՀՀ քաղաքացիական դատավարության օրենսգրքով սահմանված կարգով:

4. Անհաղթահարելի ուժի ազդեցությունը (ՖՈՐՄ-ՄԱԺՈՐ)

Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, պատերազմը, ռազմական և արտակարգ դրության հայտարարումը, քաղաքական հուզումները, զործադուլները, հաղորդակցության միջոցների աշխատանքների դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով սահմանված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուն իրավունք ունի լուծարել պայմանագիրը՝ այդ մասին նախապես տեղյակ պահելով մյուս կողմին:

5. Վեճերի լուծման կարգը

Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերի լուծումը հանձնվում է դատարանի քննությանը:

6. Այլ պայմաններ

Սույն պայմանագիրը կնքված է հայերեն լեզվով, երկու օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

7. Կողմերի հասցեները, բանկային վավերապայմանները և ստորագրությունները

Բանկ

ստորագրություն

Ավանդատու

ստորագրություն